




საშურის მთაშუა



№21 (102)

30 მაისი, სამშაბათი, 2017 წელი

საქართველოს დამოუკიდებლობის დღე - დღესასწაული, რომლის 99 წლის ისტორიას ითვლის

ყოველ ერს აქვს თავისი გამორჩეული სამოქალაქო დღესასწაული, დღე, როდესაც მთელი ერი ერთიანდება, სიხარულის, სიყვარულის



ცისარტყელა დიადემასავით ადგება ქვეყანას ტავზე და ეს სიხარული დიდიან-პატარიანად ყველას გულს მოიცავს.

მიუხედავად იმისა, რომ რუსეთის იმპერიისგან და სსრკ-სგან დამოუკიდებლობა 1991 წლის 9 აპრილს გამოცხადდა, ეროვნულ დღესასწაულად მაინც 1918 წლის 26 მაისს გამოცხადებული დამოუკიდებლობის დღე აღინიშნება და ეს მართებულიც გახლავთ. 1918 წლის 26 მაისს, თბილისში, გოლოვინის პროსპექტზე მდებარე, კავკასიის მეფისნაცვლის ყოფილ რეზიდენციაში, ამიერკავკასიის სეიმის უკანასკნელი სხდომა გაიმართა, რომელმაც ნაშუადღევს, 3 საათზე, ამიერკავკასიის დემოკრატიული რესპუბლიკა დაშლილად გამოაცხადა. იმავე დარბაზში, 4 საათზე და 50 წუთზე, ნოე ჟორდანიას თავმჯდომარეობით, საქართველოს ეროვნული საბჭოს სხდომა გაიხსნა. მას 42 წევრი და 36 კანდიდატი ესწრებოდა. ნოე ჟორდანია სიტყვით გამოვიდა და მისი დასრულების შემდეგ, წაიკითხა „საქართველოს დამოუკიდებლობის აქტი“, რომელიც ეროვნულმა საბჭომ ერთხმად დაამტკიცა.

99 მძიმე და ათასგვარი განსაცდელით აღსავსე წელი გავიდა მას შემდეგ.

საბედნიეროდ, ყველა მძიმე პერიოდი უკან დარჩა და დღეს 26 მაისი მთელს ქვეყანაში აღინიშნება, როგორც ზეიმთა ზეიმი.

სრულიად საქართველო მოიცვა ამ დღესასწაულმა. ბუნებრივია, გამონაკლისი არც ჩვენი მუნიციპალიტეტი ყოფილა და ათასგვარმა აქტივობებმა მოიცვა როგორც მუნიციპალიტეტის ცენტრი, ასევე მისი



მინიფეხბურთის, რომელიც ტრაგიკულად დაღუპული დავით გოჩიაშვილის სახელს ატარებდა, ფინალში ერთმანეთს ოსიაურისა და სურამის გუნდები დაუპირისპირდნენ. ჩემპიონები ოსიაურელი ფეხბურთელები გახდნენ.

პერიფერიები. ეროვნული სიმბოლიკებით გაჯერებულ ღონისძიებებს ბოლო არ უჩანდა. მუსიკა, ცეკვა, სიმრერა, გაღიმებული სახეები, მხურვალე მილოცვები ყოველ ნაბიჯზე მრავლად იყო. სპორტულ ღონისძიებებს სიმღერა ენაცვლებოდა, სიმღერას - ბავშვთა გასართობი თამაშები და ასე მთელი დღე.

გიორგი გურასპაშვილი, მუნიციპალიტეტის გამგებელი: პირველ რიგში, ვულოცავ ყველას ამ უღამაზეს დღესასწაულს. ყველას ვუსურვებ, რომ ის იდეალები, რაც ამ დღის შინაარსში დევს, ასი პროცენტით შესრულებულიყოს და ჩვენი სამშობლო ჭეშმარიტი დემოკრატიის და წარმატებული ქვეყნის მაგალითი ყოფილიყოს მთელს მსოფლიოში. ამ დღისთვის მზადება კარგა ხნით ადრე დაიწყო, გამგებობის სამსახურებმა ყველა გამოწვევას ღირსეულად გაართვეს თავი და დღესასწაულს ღამაზად შეგვგებეთ. ამინდმაც ხელი შეგვიწყო და ვფიქრობთ, ხალხი კმაყოფილი უნდა იყოს...

ღიას, ზეიმი შედგა. დღის 10 საათიდან გვიან ღამემდე არ შეწყვე-



ლევანდარული სპორტსმენის, რამაზ ხარშილაძის სახელობის ტურნირი დღესასწაულს დაემთხვა და მასში ასეულობით პატარა ძიუდოისტი იღებდა მონაწილეობას.

ტილა ხალხის ნაკადი საშურის ცენტრში, მათ განწყობას კი პატარა ბიჭუნას ხმამაღალი შეძახილი გადმოსცემდა, რომელიც მამიკოს კისერზე იყო შესკუპებული, ორივე ხელში საქართველოს დროშა ეჭირა და მთელი ხმით ყვიროდა: - გილოცავთ საქართველოს დაბადების დღეს!

რატომაც არა? დამოუკიდებლობისა და თავისუფლების მოპოვება, თავის თავში, ალბათ მეორედ დაბადებასაც გულისხმობს!

გ. გოგოლაძე



„სამი ღვთაებრივი საუნჯე დაგვრჩა ჩვენ მამა-პაპათაგან: მამული, ენა, სარწმუნოება. თუ ამათაც არ ვუპატრონეთ, რა კაცები ვიქნებით, რა პასუხს გავცემთ შთამომავლობას?“

გულმღვდლად კითხულობდა მწარე ეჭვებით გულგასხნილი ილია ჭავჭავაძე, საუკუნუნახვერის წინათ. წმინდა ილია მართლის თაობამ და მათ მიერ დაკვლიანებულმა ერმა სამივე ღვთაებრივი საუნჯე მოიტანა ჩვენამდე, მაგრამ ჩვენ? ვართ კი კაცები და შეგვიძლია, პასუხი გავცეთ აქ შთამომავლობას, იქ კი - წინაპრებს? ვაი, რომ სამივე ვერავინ ვერაფერს იტყვის დღეს!

თვალი და გონება თუ არა აქვს დაბნელებული, ყველა ხედავს, რომ ქართული ენა, რომელსაც ფორმალურად, სახელმწიფო ენის სტატუსი აქვს მინიჭებული, აზრად აგდებული, დამცირებული და უგულვებელყოფილია. ტელევიზიის წამყვანები, კომენტატორები, მიმომხილველები, სატელევიზიო შოუების მსახიობებზე რომ აღარაფერი ვთქვა, უღმერთოდ რეჟიზან და ამასინჯებენ ქართულს; პრესის ფურცლებზე ისეთი ტექსტები იბეჭდება, წერა-კითხვის მცირემცოდნეებსაც რომ გულზე შემოეყრებათ. ორიოდ გაზეთილა დარჩა, რომლებიც არ დალატობენ საკუთარ პროფესიულ ღირსებას, მაგრამ ისინი რას გააწყობენ ქართულ ენაზე მასობრივ შეტყვის ქარტეხილში? მადლიერების, რესტორნების, სასტუმროთა, თუ სახელმწიფო დაწესებულებების აბრეზებზე თითქმის გაქრა ქართული წარწერები; რაიმე ორგანიზაციის ინგლისური დასახელება ზოგან ქართული ასოებით წერია, ეგ არის და ეგ!

მწერლობაზე ხომ... ახლა ფულს თუ გადაიხდი, რაც გინდა იმას გამოსცემ. აღარც რედაქტორები, აღარც სტილისტები, აღარც კორექტორები არსებობენ. ისე, წიგნის სატიტულო ფურცელზე ზოგჯერ რედაქტორისა და რეცენზენტის გვარებსაც წააწყდები, მაგრამ რად გინდა მერე? ზოგს წაკითხულიც არა აქვს, მისი სარედაქტორო წიგნი, ზოგმა კი, ალბათ, ავტორზე მეტი არ იცის.

აი, ამ დღეშია მამა-პაპათაგან ნაანდერძევი ერთი ღვთაებრივი საუნჯე!

ჩვენს სარწმუნოებაზე როგორი შეტევა ცხორციელდება, მართლმადიდებლობის პირისხლიან მტერს, საერთაშორისო ავანტიურისტ ლეიბა ტროცკისაც (ბრონ-შტეინსაც) კი შემურდებოდა. შეტევა ხორციელდება, როგორც ფარულად, ისე აშკარად. აშკარა შეტევას, ძირითადად, მკბენარებით გამრავლებული და სახელმწიფოს მიერ მხარდაჭერილი ავადსახსენებელი არასამთავროები ახორციელებენ, რომელთა მსუყვე ცხოვრებას საქართველოს გარეშე და შინაური მტრები უზრუნველყოფენ.

ყოველ ნაბიჯზე - მეტროს სადგურებთან, ავტობუსების ხალხმრავალ გაჩერებებზე მდგარი, ლიტერატურითა და ათასნაირი თვალსაჩინოებით აღჭურვილი იეღოველების ჯგუფები, ქუჩებში საგანგებოდ გამოწყობილი მათივე წარმომადგენელი აგიტატორების სიმრავლე, მეტროს შესასვლელებთან მათხოვრების გვერდით მდგომი საეკლესიო სამოსელით შემოსილი, ყულაბებთან

მდგომი „მოწყალების“ შემგროვებლები... განა ეს ეკლესიაზე ფარული შეტევა არ არის? ყოველ

მამული, ენა, სარწმუნოება

სირცხვიდი იმ გუთნისდედას!

უბანში ეკლესიების შენებლობის ბუმი, რომელსაც ხალხი უკვე საეკლესიო ბიზნესს უწოდებს, განა ეკლესიის დეველვაცია არ არის? ახლა სამღვდლოების უმადლესი იერარქიების ერთი ნაწილის შესახებ ხალხში დამკვიდრებული „კუპრივით შავი“ მითქმა-მოთქმა, რომელიც უკვე სახელმწიფო ორგანოების მიერ სამართლებრივად არის რეგულირებული...

ბზეუინსკის მიერ კაგრა ხნის წინათ გახმაურებული



ლი მიზანი... სრულდება! ისე, რომ მამა-პაპათაგან დანატოვარი მეორე ღვთაებრივი საუნჯე, ასეთ სავალალო მდგომარეობაშია ახლა!

ენასა და სარწმუნოებას, ძნელბედობის მიუხედავად, ასე თუ ისე, მაინც ინახავს და შეინახავს ჭეშმარიტი ქრისტიანი და პატრიოტი ქართველობა, როგორ უმცირესობაშიც უნდა აღმოჩნდეს იგი, მაგრამ მამულს...

დღევანდელი საქართველოს პარლამენტმა, „საერთო-სახალხო განხილვაზე“ გამოიტანა ახალი კონსტიტუციის პროექტი, რომელშიც შეტანილია

მუხლი, უცხოელებზე მიწების მიყიდვის თაობაზე, იმ მიწებისა, რომელსაც ოცდაათი საუკუნის განმავლობაში სისხლით იცავდნენ ჩვენი წინაპრები უცხოელ დამპყრობლებთან ომებში.

ისე, რომ საფრთხე სასიკვდილოა ჩვენი ერისთვის, რადგან დიდი ფული იმ ქვეყნების ხალხებს აქვთ, რომლებიც დიდ წიაღისეულს ფლობენ და მიწა-წყალი აკლიათ. უდაბნოშია ეს ქვეყნები და იმიტომ! ფული აქვთ, მიწა-წყალი არა! აგერ საქართველოშია ედემი მუქთად და იაფად, რატომ არ იყიდებიან, ნეტავი? შვილებიც ბევრი

ჰყავთ და შვილიშვილებიც. ქართველებით ერთ-ორ ბავშვს კი არ შეცქერია. ქართველები კი ფულზე მამულს კი არა, დედ-მამასაც დაუფიქრებლად გაჰყიდებიან. არ ყიდნენ, თუ რა, მაშინ, როდესაც ქვეყანა უპატრონოდ რჩებოდა ხოლმე. ახლაც უპატრონოდ არის და თუ მოასწრეს ამ ვაგლახებმა მიწა-წყლის გასხვისება, დავით აღმაშენებელიც რომ გაცოცხლდეს, ვედარაფერს გვიშველის უკვე ერთადერთი ქვეყანა ისრაელია, რომელმაც ოცდახუთი საუკუნის შემდეგ დაიბრუნა სამშობლო. ოცდახუთი საუკუნის განმავლობაში ახსოვდათ ებრაელებს თავიანთი ვინაობა და სადაურობა, ენა და რჯული!

ოცდახუთი საუკუნე კი არა, მშობლიურ მიწა-წყალს მოწყვეტილი ქართველი ოცდახუთი წლის განმავლობაშიც კი ვერ ინარჩუნებს ენას, ეროვნებასა და რჯულს, არც თავისი ვინაობა ახსოვს და არც სადაურობა! აგერ, ჩვენს თვალწინ არ ხდება ეს? ოციოდე წლის წინათ საქართველოდან უცხოეთში ლუკმა-პურის საძიებლად გადახვეწილი ქართველი ცოლ-ქმრის შვილებმა თავიანთი მშობლების ენა არ იციან და აქ დარჩენილ ბებია-ბაბუებს თარჯიმნის გარეშე ვერ ელაპარაკებიან.

ჩვენი ბუნებაა ასეთი: მშობლიურ მიწას მოწყვეტილები ანთეოსივით უმწურონი ვხვდებით! არა, ეროვნულ ნიშანწყალს ვკარგავთ, თორემ სხვათა ომებში მამაცურად ბრძოლა შეგვიძლია.

სხვის ომში მხოლოდ სულელები იბრძვიან მამაცურად, როგორც კონსტანტინე გამსხურდიას ერთი ცნობილი პერსონაჟი ამბობს. მართლაც!

ჩვენი სიძლიერის დროსაც არავისთვის წავგირთმევი მიწა-წყალი, რადგან კოლონიალიზმი ჩვენი ბუნებისთვის უცხოა, იმავე მიზეზით, რაც უკვე აღვნიშნე: საკუთარ მიწას მოწყვეტილი ქართველი, ქართველი აღარ არის. აი, სამშობლოს დეკოლონიზაცია კი ნამეტნავად გვეხერხება. დახედეთ, ერთი, საქართველოს რუკას და დაინახავთ, რა დამართა ასია-ასორმოდათაო წლის წინ ქართველებით გაძევილ ქვემო ქართლსა და ჯავახეთს! დღეს იქ ქართველი სანთლით სძებარია! რატომ? ომი გექონდა და მტერმა იარაღის ძლით გამოგვაძევა? არა! ჩვენი ნებთ მივატოვებთ და მიტოვებულ სახლ-კარს სხ-

ვები დაუპატრონენ. მივატოვებთ და მერე ვჯავრობთ: „მე ჯავახეთს რა მიჭირდა, მოვარე იდგა მზესავითა, კალმახი და ქერის პური, წინ მეყარა ბზესავითა!-ო. ახლა სხვებს უყრიათ წინ ჩვენი დოვლათი. ასევე მივატოვებთ ფშავ-ხევსურეთი და თუშეთი, მთიულეთი და რაჭა-ლეჩხუმი. ახლა ჩვენი ხელისუფლება აუქციონზე თუ გაიტანს ჩვენს მშობლიურ მიწას, რომლის სახელსაც იფიცებდნენ ჩვენი წინაპრები, დარწმუნებული ბრძანდებოდეთ, ვაჭრობა დიდხანს არ გასტანს... და სწრაფად შეივსება ჩვენი დაცარიელებული სოფლები და ნასოფლარები, მიწა-წყალსაც პატრონი გამოუნდება, ქვითკირში ჩაკირულ კულტურასაც „იქნება, ყველაფერი იქნება, მაგრამ ამ ქვეყნად ჩვენ...“ ქართველები აღარ ვიქნებით“ ისევე, როგორც ბიზანტიელები აღარ არიან კონსტანტინეოლში და ეგვიპტელები - ქაიროში. მალე ბიზანტიური ქრისტიანული კულტურის მარგალიტი „აია სოფიას“ ტაძარი ვაითუ მართლა მეჩეთად იქცევა... თურქები დღეს სერიოზულად მოითხოვენ ამას!

აი, პერსპექტივა, რომელსაც გვიქადის უცხოელებზე მიწის გაყიდვის კონსტიტუციური დადასტურება.

რა პქვია, მითხარით, იმ ადამიანებს, ვისი ინიციატივითა და ხელშეწყობითაც ეს ხდება?

ქართულ ფოლკლორში შემონახულია ის სახალხო გულისწყრომა, რაც თავს დაატყდა ერთ გაჭირვებულ უმიწაწყლო გლეხს, რომელმაც სხვა რომ ვედარაფერი მოიფიქრა, თავისი მამა-პაპათა საფლავები გადახნა და ხორბალი დათესა: „სირცხვილი იმ გუთნისდედას, თავის მამის საფლავს ხნავდეს!“

მამულის გაყიდვას რომ აპირებდნენ მამა-პაპათა საფლავებიანა, იმათ რა ეკუთვნით?

ეს კითხვა რიტორიკულია, რადგან ყველა ნორმალურმა, თავისი ქვეყნის პატრიოტმა იცის, რომ მამულის გასხვისება სამშობლოს დაღატოა და „სამშობლოს მოღალატე სიცოცხლის ღირსი არ არის!“

ზურაბ ცუცქერიძე

გია ჯღლაძეს ჩვენს მუნიციპალიტეტში კარგად იცნობენ, როგორც თავის საქმეზე შეყვარებულ და წარმატებულ მეფუტკრეს. ჩვენ მკითხველსაც ემახსოვრება-გასულ წელს, მის საფუტკრე მეურნეობაში სტუმრობის შესახებ ვუყვებოდით. მაშინ კოოპერატივი "ქართული თაფლი" ახალი შექმნილი იყო, დღეს 54 წევრს და 700 ძირ ფუტკარს აერთიანებს ქარელისა და ხაშურის მასშტაბით. ბატონი გია, სულ ცოტა ხნის წინ დაბრუნდა ამერიკიდან, ახალი გამოცდილებებით და შთაბეჭდილებებით, რომელიც მასზე ამერიკულმა ცხოვრების წესმა, სოფლის მეურნეობის ინფრასტრუქტურამ, კერძო და სახელმწიფო სტრუქტურების მიდგომებმა და

პროგრამების ოფისი, რომლის წარმომადგენელი იყო ქალბატონი ლიზა პაპა და კოორდინატორები ბატონები ლენ პელიმანი და ბილ სპენსერი. ესაა საუნივერსიტეტო ქალაქი, სადაც 30 000 სტუდენტი ცხოვრობს. ყველა შტატში არსებობს სახელმწიფო

ამერიკული გამოცდილება, რომელიც ჩვენს ფერმერებს წინსვლის გარანტიას აძლევს

უნივერსიტეტები, რომლისთვისაც სახელმწიფომ 100 წლის წინ გამოყო მიწის ფართობები და დღეს აბსოლუტურად თვითმმართველი უნივერსიტეტები არიან. აქ ფუნქციონირებს კვლევითი ცენტრები. ყოველი დღე იწყებოდა ტრენინგებით, რომლებიც გრძელდებოდა პრაქტიკული საქმიანობებით. ძალიან დიდი მასშტაბებია. ყველაფერი აწყობილია კოოპერატიულ საქმიანობაზე. ფერმერი კოოპერატივში შედის, კოოპერატივი-მსხვილ კოოპერატივში-ერთმანეთის ინტერესებს ითვალისწინებენ და საათის მექანიზმით აწყობენ სისტემას. ამიტომაც იყო ჩვენთვის საინტერესო დისკუსიები ფერმერულ ურთიერთობებზე კოოპერატივში, აგრარულ სექტორში სამართლებრივ ასპექტებსა და დაბეგვრაზე, მთავრობასთან ურთიერთობაზე...

ჩვენთვის უაღრესად ბევრის მომცემი იყო პროფესორი ამესი ტუუსის ტრენინგი კოოპერატივების მართვის სტრატეგიების შესახებ. - თქვენ, როგორც მეფუტკრემ, ამ მიმართულებით თუ ნახეთ რადიკალური სხვაობა, ან მსგავსება, ამერიკაში როგორ საფუტკრე მუშაობს მუშაობა?



უბრალოდ, ადამიანურმა ურთიერთობებმა მოახდინა მასზე:

- ბატონო გია, თქვენი ამერიკაში ვიზიტის შესახებ გვიამბეთ...

-ამერიკის საელჩო ყოველწლიურად აცხადებს პროექტს სოფლის მეურნეობის მიმართულებით, რომელიც სხვადასხვა დარგს მოიცავს. როდესაც გამოცხადდა შესარჩევი კონკურსი, შევაგვ აპლიკაცია, გავიარე გასაუბრებები, რის შემდეგაც, მომეცა შესაძლებლობა წავსულიყავი ამერიკაში. ესაა გაცნობითი ხასიათის პროგრამა განვითარებადი ქვეყნებისათვის, რომ გაეცნო ამერიკის სოფლის მეურნეობის ინფრასტრუქტურას, სიახლეებს, რისი დანერგვაც შემდეგ შესაძლებელია საქართველოშიც. მე, როგორც მეფუტკრე, მხოლოდ ამ მიმართულებით არ ვყოფილვარ. გავეცანი სოფლის მეურნეობისა და მრეწველობის ყველა დარგს, რომელიც კოლორადოს შტატსა და მიმდებარე ტერიტორიაზე განვითარებული.

- წელს საქართველო რამდენი ადამიანით იყო წარმოდგენილი, და ძირითადად ვისზე ვრცელდება ეს პროგრამა?

-აპლიკაციის ფორმა შევაგვ ივლისში, გასაუბრება აგვისტოში გავიარე და საბოლოო პასუხი იანვარში იყო. საქართველოდან წელს ხუთნი ვიყავით, სამი მეფუტკრე კოოპერატივიდან, ერთი თხილის მწარმოებელი კოოპერატივის წარმომადგენელი და კოოპერატივების მართვის

მუშაობს მუშაობა?

-მეფუტკრეობა არ იყო პროგრამაში ჩასმული. თუმცა, თხოვნის შემდეგ, არ გეითხრეს უარი და გავეცანი მათი მუშაობის სტრუქტურასაც. მოვინახულეთ თაფლის გადაამაშ-შეპყვებელი ქარხანა და მეფუტკრესთან ვიყავით სტუმრად. ძალიან გამარტივებულია. პროგრამა აქვთ შექმნილი მეფუტკრეებისთვის და ფერმერებისთვის. თუ ფერმერს ჭირდება ფუტკარი, შეთანხმების საფუძველზე, მეფუტკრეს მიჰყავს ფუტკარი ფერმერთან. თითო ძირზე უხდის 40 დოლარს. მეფუტკრე, ფაქტობრივად, მხოლოდ ფუტკრის მოვლაზეა ორიენტირებული, თაფლის ამოღების დროს, მოდის სპეციალური სამსახური, რომელიც უწურავს თაფლს. რეალიზებაც გამარტივებულია. ჩამოსასხმელი ქარხნებია, რომლებსაც ჰყავთ პერსონალი და მეფუტკრეს შეუძლია ისარგებლოს მათი მომსახურებით. თაფლის საბაზრო ფასი 4-5 დოლარია, დიდი სხვაობა არ არის ჩვენს ბაზარსა და ამერიკულ ბაზარს შორის. დასახელებაც იმის მიხედვით აქვს, რომელი შტატიდანაცაა.

- ფუტკრის შენახვის მეთოდი თუ არსებობს?

-ჩრდილო ამერიკის მხარე, კანადური მეთოდით მუშაობს-არ ინახავს ფუტკარს. შედარებით თბილ მხარეს, იტალიური ჯიშის ფუტკარი ჰყავთ და აზამთრებენ. სადაც არ ინახავენ ფუტკარს, კალიფორნიაში უდიდესი სადედე მეურნეობაა და ყოველ გაზაფხულზე ჩადიან მეფუტკრეები და მოჰყავთ. არსებობს მესამე ფორმაც, რომლის დროსაც, ფუტკარი რჩება ადგილზე.

- ფუტკრის ავადობები რამდენადაა გავრცელებული და როგორ ებრძვიან მას?

-ავადობები ყველგანაა, თუმცა, არსებობს პრევენციული ზომები. პროდუქციის ღირებულებიდან ფერმერი უხდის ლაბორატორიას გარკვეულ თანხას, რომელიც იკვლევს დაავადების ტიპს და ერთი წლით ადრე იცავენ თავს დაავადების შესაძლო გავრცელებებისგან.

- ჩვენ თაფლს თუ შეუძლია თავის დამკვიდრება

სხვა ქვეყნის ბაზარზე. თუ იყო სხვაობა გემოვნურ და სტრუქტურულ თვისებებში?


-ზუსტად ვერ ვიტყვი, რა შემადგენლობით განსხვავდება, თუმცა, გემოვნურ თვისებებში სხვაობა, ნამდვილად არის. ჩვენი თაფლი მონოფლორულია, ბევრი ყვავილი შედის, რაც ქმნის ჩვენი თაფლის უპირატესობას. სხვაობაცაა ფუტკრის სახეობაში-იტალიური უფრო მორჩილია ჩვენ ფუტკარზე, ბრაზილიურს მეტი თაფლი მოაქვს, მაგრამ აგრესიულია, მაგრამ სიკეთის მოტანა ყველა სახეობას შეუძლია.

- სახელმწიფო რამდენად მონაწილეობს სისტემის მუშაობაში?

-სახელმწიფო თითქმის არაფერში მონაწილეობს, ისეა სისტემა გამართული. სახელმწიფო მხოლოდ იცავს მეწარმეს ან ფერმერს. ფორსმაჟორული სიტუაციის დროს, სახელმწიფო საბაზრო ღირებულებას უხდის მათ. ჩვენი იქ ყოფნის დროს, კოლორადოსათვის უწყველ სიდიდის თოვლი მოვიდა. მოსახლეობას ძალიან უხაროდა, რადგან თოვლის სახით, მათთვის წყლის რესურსი გაჩნდა. თან ზარალი, რომელიც მათ თოვლმა მოუტანა, მათთვის უმნიშვნელო იყო, რადგან სახელმწიფო იცავდა მათ წარმოებას თუ მეურნეობას. დიდი რაოდენობით ხეები მოტყდა, ამორე დღეს გამოვიდნენ შესაბამისი სამსახურები მანქანებით, დაამუშავეს მომენტალურად და გარდაქმნეს ნუშომპალად-თითქმის უდანაკარგო მეურნეობას ქმნიან.

- როგორც ვიცი, გჭონდათ იმის შესაძლებლობაც სოფლის მეურნეობის სხვა დარგებსაც გაცნობოდათ...

-ფერმერს შევხვდი, რომელიც მარცვლეული კულტურების მოყვანითაა დაკავებული, 4500 ჰა აქვს და მხოლოდ ორი ადამიანი უძღვება მეურნეობას, მაგრამ ტექნიკა აქვს დიდი რაოდენობით, რაც უმარტივესს საქმეს და ნაკლები მუშახელის დაქირავება უწევს. მერძევეებს ჰყავდათ დასაქმებული 80 ადამიანი, რომლებიც 6000 ძროხას უვლიდნენ, თითოული ფური 45-60 ლიტრს რძეს იძლევა და დღეში სამჯერ წველიან. ჰყავთ



სააგენტოს დირექტორი. ეს პროგრამა მხოლოდ კოოპერატივებზე ვრცელდება. ეს ვიზიტი ორ კვირას მოიცავდა.

- ვინ იყო თქვენი მასპინძელი? როგორი იყო ერთი თქვენი ამერიკული დღე?

-ჩვენი მიმწვევი იყო კოლორადოს შტატში მდებარე ფორდ კოლინზის უნივერსიტეტი. კონკრეტულად კი - ამ უნივერსიტეტის საერთაშორისო

დაქირავებული სპეციალისტი, რომელიც იკვლევს მის ენერგეტიკულ და სხვა ღირებულებებს, რომ ბაზრისთვის კონკურენტუნარიანი იყოს მათი წარმოებული პროდუქცია. მოვინახულეთ სახორცე მეურნეობებიც, სადაც 98 000 სული ჰყავთ. ეს მცირე ნაწილია იმისა, რისი ნახვაც და გაცნობაც ორი კვირის მანძილზე შეგძელით.

- რა მოგცათ ამერიკულმა გამოცდილებამ?

-აუცილებელია გაერთიანებები, ეს მაჩვენა ამერიკამ-ვერც ერთი სახეობის პროდუქციას ვერც გაიტან ექსპორტზე, ვერც სასაქონლო ღირებულებას მისცემ მსხვილი მეურნეობის შექმნის გარეშე. ოჯახური მეურნეობები მომავალზე არაა გათვლილი. სამომავლოდ, ამერიკული გამოცდილების გათვალისწინებით, გავაკეთებთ გაერთიანებებს და გადაამაშ-შეპყვებულს.

ის დრო თითქმის მოსულია, რომ ქართული თაფლი ექსპორტზეც გავიტანოთ. მთავარია, გადასამუშავებელი ქარხანა გაკეთდეს. თაფლი არის, ხაღხს მუშაობა არ ეხარება. იმას, რომ ქართველი ფერმერი გამართული იყოს, წინ არაფერი უდგას. რაც ამერიკელებისგან უნდა ვისწავლოთ, შრომისმოყვარეობა და საქმისადმი სწორი დამოკიდებულება.

თ. ჯავახიშვილი

რა ბედი ეწევთ გაზზე გადაყვანილ ავტომობილებს 100 ქუდიანი სისტემის შემოღების შემდეგ?

გიორგი 3 წელია გაზზე გადაყვანილი ავტომობილით დადის. პრობლემა არასდროს შექმნილა, მისი მანქანა ახლაც გამართულად მუშაობს, თუმცა, 100 ქუდიანი მართვის მოწმობის შემოღებამ დააბნია.

"გაუფრდა ინფორმაცია, რომ თვითნებურად გადაკეთებული ავტომობილით სიარულზე მართვის მოწმობის ქულებს ჩამოაჭრიან მძღოლს და დააჯარიმებენ კიდევ. არ ვიცი, ამ კატეგორიაში ჩემი მანქანა შედის თუ არა. ისიც არ ვიცი, ვინ უნდა შემომოწმოს, რომ ჩემს ავტომობილზე უსაფრთხოდაა სისტემა



ჩაყენებული. ამის შესახებ არაფერს ამბობენ და ცოტა დაბნეული ვარ. გარშემო ყველა გაურკვევლობაშია. კარგი იქნება, თუ მეტ ინფორმაციას გაავრცელებენ, თუნდაც მედიის საშუალებით. არ მინდა, ისე აღმოჩნდეს, უცებ პატრულმა გამაჩეროს და დამაჯარიმოს," - ამბობს გიორგი.

საზოგადოებაში ფართოდ გავრცელებული ინფორმაცია კი ასეთია: იმ სატრანსპორტო საშუალების მართვა, რომელიც თვითნებურად არის გადაკეთებული, გამოიწვევს 15 ქულით დაჯარიმებას. თუმცა, ავტომობილებზე არ იციან, რას ნიშნავს, თვითნებურად გადაკეთებული ავტომობილი და ვინ უნდა შეამოწმოს მისი უსაფრთხოება.

კანონმდებლობაში ეს მუხლი შემდეგნაირად არის განმარტებული: იმ სატრანსპორტო საშუალების მართვა, რომელიც თვითნებურად არის გადაკეთებული (გადაკეთებულია საწვავის ავზი, ძარა, ან დაყენებულია ბუნებრივი აირის სისტემა, ან სხვაგვარადაა შეცვლილი სატრანსპორტო საშუალების კონსტრუქცია და იგი არ შეესაბამება საგზაო მოძრაობის უსაფრთხოების უზრუნველყოფის მოთხოვნებს), დაჯარიმებული იქნება 15 ქულით და დაეკისრება 150 ლარით დაჯარიმებას და 15 ქულის ჩამოკლება.

ოფის მოთხოვნებს ან/და ქარხანა-დამამზადებლის სტანდარტებს), გამოიწვევს 150 ლარით დაჯარიმებას და 15 ქულის ჩამოკლებას.

საქართველოში გაზზე გადაყვანილი ავტომობილების რაოდენობა სწრაფად მზარდია. ბოლო პერიოდში მათი გადაკეთებისას კომპანიები ცნობასაც გასცემენ, თუმცა, როგორც აღმოჩნდა, ეს ცნობა საკმარისი არაა და მანქანამ შემოწმება მაინც უნდა გაიაროს.

შპს "ფაბრმა", 2017 წლის იანვარში, აიღო აკრედიტაცია და ფუნქციონირება დაიწყო. კომპანია რუსთაველაში მდებარეობს და მის კომპეტენციაში შედის გაზის ბალონის გატესტვა, სისტემის დათვალიერება და წნევაზე გამოცდა.

"გამოწმებთ, რომ ყველაფერი მწვობრში იყოს. დარღვევის აღმოჩენის შემთხვევაში, შესაბამის კომპანიებთან ვვზავნით ავტომობილებს, რომ დარღვევების მოწესრიგება მოხდეს. არის შემთხვევები, რომ მანქანები შემოწმებას ვერ გადიან. ამ დროს ძირითადი მიზეზი ძველი ბალონებია. ევროპულ ბალონებს ექსპლუატაციის ვადა 20 წელი აქვს, ჩინურს კი - 15.

ვადამართალი ბალონი ცნობის მიღებას ნამდვილად ვერ მოახერხებს. ასევე, აუცილებელი პირობაა, რომ ავტომობილს გაზის დამტენი გარედან ჰქონდეს," - ამბობს "ფაბრის" ექსპერტ-ლაბორანტი ლაშა შიოშვილი.

"ფაბრის" გარდა, მსგავს მომსახურებას კიდევ 3 კომპანია ახორციელებს. მათ შორის 2 თბილისში მდებარეობს, 1 კი - ქუთაისში. მალე გორში გაიხსნება "ფაბრის" ფილიალი.

შიოშვილის განმარტებით, ცნობა 3 წლიანია და მისი აღების ერთ-ჯერადი მინიმალური ღირებულება 130 ლარია. ყოველდამატებით ბალონზე ღირებულებას 20 ლარი ემატება. ავტომობილის შემოწმება ყოველწლიურად უფასოდ მოხდება. სამი წლის შემდეგ კი ფასიანი ცნობის აღება განმეორებით უნდა მოხდეს.




საავადმუშელო შემოწმების შესახებ, საზოგადოებაში ცნობიერება საკმაოდ დაბალია. ძალიან ცოტამ იცის, რომ შემოწმებული ავტომობილის მართვის შემთხვევაში დაჯარიმდება არა მხოლოდ ფინანსურად, არამედ მის მართვის მოწმობას ქულებიც გამოაკლდება," - დაამატა შიოშვილი.

აღსანიშნავია, რომ კანონმდებლობაში მსგავსი მუხლი 2010 წლიდან მოქმედებდა და თვითნებურად გადაკეთებულ ავტომობილზე 100 ლარიანი ჯარიმა არსებობდა. თუმცა, გაურკვეველი იყო ვის უნდა შეემოწმებინა გაზის სისტემის უსაფრთხოება და ვის უნდა გაეცა შესაბამისი ცნობა.

- ახალი გამოცემა - ძვირფასი შენაძენი

2016 წელს გამოიცა დიმიტრი ყიფიანის ცხოვრებისა და მოღვაწეობისადმი მიძღვნილი ორტომეული, რომელიც შედგენილია თამაზ ლაცაბიძის მიერ.



წიგნში თავმოყრილია წერილები, გამოკვლევები და მოგონებები. ამ მდიდარ საინტერესო მასალებით მკითხველს საშუალება ეძლევა სხვადასხვა კუთხით გაეცნოს დიდი მამულიშვილის საქმიანობას და შეძლოს მისი დანახვა მთლიანობაში, რადგან დიმიტრი ყიფიანის მოღვაწეობას და ტრაგიკულ სიკვდილს სრულიად სამართლიანად ენიჭება საზოგადოებრივი და ეროვნული მნიშვნელობა, სწორედ მისმა სიკვდილმა გარდაქმნა და განაახლა ქართველი ინტელიგენციის თვითშეგნება და გვიჩვენა გასული საუკუნის 30-იან წლებში სოციალურ-პოლიტიკური და კულტურული გარემოს მიერ შექმნილი და ჩამოყალიბებული ქართველი მოღვაწე-ინტელიგენტის სახე.

ასევე, ბატონმა თამაზმა საინტერესო მასალები მოგვაწოდა დიმიტრი ყიფიანის შთამომავლებზე და მის ახლობლებზე.

ა) წერილები, სტატიები და ნარკვევები ნიკოლოზ ყიფიანზე. მისი მემკვიდრეობის შესწავლა საკმაოდ შრომასთან არის დაკავშირებული, რადგან მისი ნაშრომები გაბნეულია ქართულ, რუსულ და ფრანგულ პრესაში. ეს კრებული გარკვეულ წარმოდგენას შეუქმნის მკითხველს მის პიროვნებაზე, მის ცხოვრებასა და მოღვაწეობაზე.

ბ) საგარეამატიკო წერილები, სტატიები, ნარკვევები მიხეილ ყიფიანზე. მ. ყიფიანი გამოირჩეოდა მრავალმხრივი საქმიანობით, ამიტომ ეს კრებულიც მნიშვნელოვანია როგორც მკითხველისათვის, ისე მის მკვლევარისათვის.

გ) წერილები დავით ყიფიანზე ასევე ძალზე საჭირო და საინტერესოა, რადგან ეს ცნობილი საზოგადო მოღვაწე, იყო თანამოაზრე

ილია ჭავჭავაძისა ქართული ენის რეფორმის საკითხებში და ამავე დროს საყურადღებოა მისი საზოგადოებრივ ასპარეზზე მოღვაწეობა.

დ) წერილები, სტატიები მიხეილ ზაალის ძე ყიფიანზე; ეს კრებული საინტერესოა ყველა იმ დაინტერესებულ მკითხველისათვის, რადგან აქამდე მასზე ძალზე მწირი მასალები მოგვეპოვებოდა სახლ-მუზეუმში და ეს კრებული გარკვეულ წარმოდგენას შეგვიქმნის მიხეილ ზაალის ძის მრავალმხრივ საზოგადოებრივ მოღვაწეობაზე.

ეს გამოცემები ძვირფასი შენაძენია დიმიტრი ყიფიანის სახლ-მუზეუმისათვის, რომლის თანამშრომლებიც მადლობას ვუხდით ბატონ თამაზ ლაცაბიძეს იმ დიდი შრომისთვის, რომელიც მან წიგნზე მუშაობისას გაწია.

დარწმუნებული ვართ, კიდევ ბევრ საინტერესო მასალას მივიღებთ მისგან მომავალში.

გივი გელაშვილი



18 მაისს, მთელი საქართველოს მასშტაბით, მუზეუმების საერთაშორისო დღე აღინიშნა. სწორედ ამ დღესთან დაკავშირებით, ხაშურის მხარეთმცოდნეობის მუზეუმში, კვირეულმა აიღო სტარტი, რომელიც ერთი კვირის განმავლობაში საინტერესო, შემეცნებითი და სახალისო ღონისძიებებით მასპინძლობდა სტუმრებს. მუზეუმების საერთაშორისო დღე 1977 წლიდან აღინიშნება, მუზეუმების საერთაშორისო საბჭოს ICom-ის გადაწყვეტილებით, რომელსაც, მსოფლიოს 150 ქვეყანასთან ერთად, საქართველოც აქტიურად აღნიშნავს, ღია კარის დღეებით, კონფერენციებით და სხვადასხვა ღონისძიებებით. რა თქმა უნდა, ხაშურის სამუზეუმო გაერთიანებაც შეუერთდა ამ ღირსშესანიშნავ თარიღს და საინტერესო კვირეული შემოგვთავაზა.

კვირეული 18 მაისს საზეიმოდ მუზეუმის დირექტორმა თამაზ ლაცაბიძემ გახსნა. მან კიდევ ერთხელ გაამახვილა ყურადღება მუზეუმის უდიდეს როლზე საზოგადოებაში, რადგანაც ის იცავს წარსულს და აკავშირებს აწმყოსთან, ესაა თაობებს შორის კავშირი, რომელიც თანამედროვე და მომავალ თაობებს საშუალებას აძლევს უკეთესად აღიქვან საკუთარი წარმომავლობა და ისტორია. ასევე აღნიშნა, რომ იწყება მუნიციპალიტეტისთვის უმნიშვნელოვანესი პროექტი- დიმიტრი ყიფიანის სახლ-მუზეუმის რეაბილიტაცია, რომელსაც ადგილობრივი ბიუჯეტი და რეგიონებში განსახორციელებელი პროექტების ფონდი აფინანსებს. 2018 წლისთვის უკვე რეაბილიტირებული დიმიტრი ყიფიანის სახლ-მუზეუმი შეძლებს დამოვალეობის მიღებას და იმ 900-მდე ექსპონა-

ტოეული ჩვენგანისთვის.

მურად მთვარელიძე: „ხაშურის მისტერია 40 წელზე მეტია, რაც იწერება, ეს არის, ფაქტობრივად, პოეტურ-პროზაულ-დოკუმენტური ენციკლოპედია ხაშურისა და მასში შემავალი ყველა სოფლის შესახებ. ვფიქრობ, გამოცემა ძალიან მნიშვნელოვანია იმ მხრივ, რომ მასში აღწერილია მოვლენები, ისტორიული ფაქტები, პიროვნებები და წყვეტილი XIX საუკუნიდან. ასევე, აღსანიშნავია ისიც, რომ წიგნში გამოყენებულია თქვენი გაზეთის გამორჩეული პუბლიკაციები, მოყოლებული 30-იანი წლებიდან დღემდე. საკმაოდ დიდი მოცულობის წიგნია – 1200 გვერდიანი და ვიმედოვნებთ, რომ დაინტერესება დიდი იქნება გამოცემისა და წიგნიც მალე იხილვს დღის სინათლეში.“

სამუზეუმო კვირეული, რომელმაც წარუშლელი შთაბეჭდილებები დატოვა

კვირეული ხაშურის სამუზეუმო გაერთიანების თანამშრომლების პრეზენტაციებით გაგრძელდა სახელწოდებით - „ჩემი ფავორიტი სამუზეუმო ექსპონატი“. მხარეთმცოდნეობის თანამშრომლებთან ერთად პრეზენტაციებში ღესია უკრაინკასა და დიმიტრი ყიფიანის სახლ-მუზეუმის თანამშრომლებიც ჩაერთვნენ. მათ მსმენელთა წინაშე გააცოცხლეს ის უძვირფასესი და უნიკალური ექსპონატები, რომლებიც სამივე მუზეუმს თანაბრად ამშვენებს: „ვახტანგისეული სახარება“, რომელიც ვახტანგ VI-ის სტამბაშია დაბეჭდილი 1709 წელს, პირველი ქართველი პროფესიონალი ფოტოგრაფის, ალექსანდრე როინაშვილის ფოტოები, ლადო გუდიაშვილის ნახატი „ტაშისკრის ბრძოლა“, უნიკალური, მუსიკალური სარკე, დიმიტრი ყიფიანის სახლ-მუზეუმში დაცული რეკონსტრუქციის და აგრეთვე 14 ფეხიანი მაგიდა, სამოვარი, პატეფონი, გრამაფონი, ლესია უკრაინკას მუზეუმში დაცული ლუდის კათხა, რომელზედაც უკრაინის სუთი ქალაქის დროშები და გერბებია აღბეჭდილი, უკრაინული ეროვნული ფესვსაცემი-ლაფტები და სხვა. გარდა საპრეზენტაციო დღისა, მუზეუმელებმა ამ დღეს კიდევ უფრო საინტერესო დატვირთვა მისცეს. მათ გააცოცხლეს ის ეპოქა, რომელშიც მათი წინაპრები ცხოვრობდნენ. მათ წინა საუკუნეებიდან შემორჩენილი უნიკალური ჭურჭლით გააწვეეს არნახული მაგიდა და ჭიქა ჩაიზე უმასპინძლეს სტუმრებს. იმ საღამოს თაფლაკვრებსაც სულ სხვა გემო ჰქონდა შაქარყინულებსაც, ჩაისაც, რომელიც მუზეუმის „დიასახლის“ ქალბატონებს სამოვარში წინაპართა წესების დაცვით მოემზადებინათ. იყო მუსიკა, პოეზია, საუბრები, ცეკვა – შინაურული, ოჯახური, ენაკვიმატური წახუმრებები და სიცილი – ესეც ახლოდღური და კეთილი. იყო ერთი დიდი ოჯახი



ტის, დოკუმენტის თუ ფოტომასალის უკეთ წარმონიშნავს, რომლებიც აღნიშნულ მუზეუმშია დაცული.

კვირეულის ფარგლებში, მუზეუმის ამაგდარის საპატიო წოდება მიენიჭა მუზეუმის თანამშრომელს, ქალბატონ ლილი მადრაძეს.

მომდევნო დღე მე-8 საჯარო სკოლის მოსწავლეების პოეტური სპექტაკლით გაგრძელდა, სახელწოდებით „იმ ქუჩის ბოლოს“. ჩვენი ნიჭიერი ახალგაზრდების მუსიკამ და პოეზიამ კიდევ უფრო დაათბო და დაამყუდროვა გარემო და მსმენელთა გულები, საოცარი ატმოსფერო სუფევდა იმ საღამოს მხარეთმცოდნეობის მუზეუმში. პოეტმა კლარა გელაშვილმა აღნიშნა კიდევ „ესაა სტიქია, რომელსაც ვერავითარი ძალა ვერ დაუპირისპირდება... მათ აქვთ სამშობლოს განცდა და ესაა ჩვენთვის მთავარი...“ მოსწავლეების ხელმძღვანელი ეკა ლაცაბიძე გახლდათ, საღამო კი მუსიკალურად საღამო გელაშვილმა და ილია ციყელაშვილმა გააფორმეს.

23 მაისს, მუზეუმში, ბატონ მურად მთვარელიძის პოეტური ქმნილების „ხაშურის მისტერიები“ პრეზენტაცია გაიმართა. ესაა ნაშრომი, რომელსაც ავტორი დიდი რუღუნებით და გულმოდგინებით, მრავალი წლის განმავლობაში კინძავდა და რომელიც მთელი ხაშურის რაიონის ისტორიას იტევს, საკუთარი კოლორიტი ხაშურლებით, საინტერესო ლოკაციებით, ღირსშესანიშნაობებით, ქუჩებით, წმინდა სალოცავებით, წლების მანძილზე დაცული გამორჩეული პუბლიკაციებით, ხელნაწერებით და ა.შ. ეს სქელტანიანი გამოცემა და შეიძლება ითქვას, ენციკლოპედია უნიკალური მონაპოვარი იქნება ჩვენი რაიონისთვის და თი-



– ურთიერთგაგებით, სიყვარულით, მეგობრობით, პატივისცემით სავსე. დავრჩით საოცრად ნასიამოვნები ამ საღამოთი, უჩვეულო გარემოში და გარემოცვამ განსაკუთრებული შთაბეჭდილება დაგვიტოვა, რომელიც კიდევ დიდხანს დარჩება მეხსიერებაში, მაღლობა ამისთვის მუზეუმის საოცრად მოსიყვარულე თანამშრომლებს.

კვირეულის მიწურულს კიდევ ერთი ღონისძიება დაიგეგმა „ჩემი მშობლიური მუზეუმი სახეები და მოგონებები“ – რომელზედაც გაისუნგეს მუზეუმის ყველა თაობის თანამშრომლები და განხორციელებლი მნიშვნელოვანი ღონისძიებები. საღამო ადგილობრივი მუსიკალური და ფოლკლორული ანსამბლებების კონცერტით დაგვირგვინდა.

კვირეული ერთი წლით დაგვემშვიდობა, რომელმაც, ვფიქრობთ, ტოლი არ დაულო არცერთ მუზეუმს ღონისძიებების წარმატებით განხორციელებაში. წინსვლასა და ექსპონატების სიმრავლეს ვუსურვებთ ჩვენ მეგობარ სამუზეუმო გაერთიანებას.

თ. ახალკაცი



სოფო ნოზაძე და საბა ხუციშვილი - საერთაშორისო კონკურსის - ფესტივალის დაურეაფები

ხაშურის სამუსიკო სკოლა რომ ერთ-ერთი წარმატებული სახელგანთქკი დაწესებულებაა ქვეყნის მუნიციპალიტეტის მსგავს სკოლებს შორის, არახალი ფაქტია. თვე არ გავა, რომ ამ სკოლის აღსაზრდელებმა სხვადასხვა წარმატებით არ გაგვახარონ. არც ახლახანს, თურქეთში, ქალაქ სიდეში (ანტალიის მუნიციპალიტეტი) გამართული კონკურსი-ფესტივალი იყო გამონაკლისი და ამ მნიშვნელოვანი მუსიკალური ფორუმიდან სოფო ნოზაძე და საბა ხუციშვილი დაურეაფის წოდებით დაგვიბრუნდნენ.



ლატვია, ლიტვა, ყირგიზეთი, სომხეთი, აზერბაიჯანი, თურქეთი, რუსეთი - აი, ასეთი წარმომადგენლობითი იყო ფესტივალი და ამ ფონზე ჩვენი მუსიკოსების წარმატება უფრო მნიშვნელოვანია.

კონკურსი ორ ტურად ჩატარდა. პირველ ტურში აუცილებელ პირობად იდო დავალება, რომ კონკურსანტებს უნდა დაეკრათ ბაროკოს ეპოქის ნებისმიერი კომპოზიტორის ნაწარმოები. სოფო ნოზაძემ ამ ტურში ბოკერინის „მენუეტო“ და ვოლფარტის ეტიუდი შეასრულა. მეორეში კი - ბომის „პერპეტუომობილე“ („უწყვეტი მოძრაობა“).

წარმატება იმხელად დიდი იყო, რომ ყოურის წევრმა ნანა იაშვილმა (იაშვილების უცნობილესი სამუსიკო ოჯახის ეს მევიოლინე ამჟამად თურქეთში, ადანის კონსერვატორიის პროფესორია), მას პატარა პაგანინი უწოდა. სოფოს გამარჯვება კონკურსზე ყოურში ერთხმად აღიარა. სოფომ ფესტივალზე მიიღო მონაწილეობა და ხაჩატურიანის „ანტანტინოს“ შესრულებით მაცურებელი ალაფროთოვანა. საბა ხუციშვილმა ფესტივალში სკრიაბინის „მელოდია“ და კრეისლერის „ალეგრო“ შეასრულა. ამხურვალე ოცავები იყო იმის დასტური, რომ საბამ ღირსეულად მიიღო ლაურეატის წოდება. არ შეიძლება არ აღინიშნოს პედაგოგ ფატი სადალაშვილისა და კონცერტმეისტერ თამაზ აბრამიძის უდიდესი ღვაწლი ჩვენი წარგზავნილების წარმატებაში.



სამუსიკო სკოლის კიდევ ერთი აღიარება იყო ახლახანს თბილისში გამართული კონკურსის „მომავლის ვარსკვლავების“ შედეგების გამოცხადება. აქ სოფო ნოზაძე და ლიკა კალმახელიძე გალაკონცერტზე მიიწვიეს, რომელიც 4 ივნისს გაიმართება. ამავე კონცერტზე მსმენელის წინაშე წარსდგება სკოლის გუნდიც, რომელიც შარლ ახნაგურის ცნობილი სიმღერის „მინ“ - ინტერპრეტაციას შესთავაზებს მსმენელს.

გ. მალრაძე

1 ივნისი ბავშვთა დაცვის საერთაშორისო დღეა!



დღეს დედამიწა ბავშვის დიმილში გახვეულა და სივრცეში მიჰქრის...



საბავშვო ბიბლიოთეკასთან არსებულმა დრამატულმა წრემ ახალი სპექტაკლი წარმოადგინა

19 მაისს, ხაშურის საბავშვო ბიბლიოთეკასთან არსებულმა დრამატულმა წრემ სპექტაკლი „ნიას ბედნიერება“ წარმოადგინა და დიდი მოწონებაც დაიმსახურა. სპექტაკლი ირმა მაღაციძის პიესის მიხედვით, დრამატული წრის ხელმძღვანელმა-ნონა ტეფნაძემ დადგა. სპექტაკლის მომზადებაში, ასევე, აქტიურად იყვნენ ჩართულები საბავშვო ბიბლიოთეკის თანამშრომლები.

სპექტაკლის შემდეგ, პიესის ავტორმა ირმა მაღაციძემ საბავშვო მოთხრობა „კოლადა“ წაიკითხა და პატარებს სახალისო „რითმოცანები“-ანუ გართიმული გამოცანებიც შესთავაზა.

ღონისძიების ბოლოს, მუნიციპალიტეტის ბიბლიოთეკის დირექტორის მ/შ ნინო კიკნაძემ „ნიას ბედნიერებაში“ მონაწილე პატარა მსახიობებს სიგელები გადასცა.

კულოცავთ!

მეგობრები ნანი გაჩეჩილაძე, მაყვალა ხაჩიძე, ქუქუნა ცენგირაშვილი, კლარა გელაშვილი, რევაზ გრიგალაშვილი, გივი გელაშვილი, შოთა დარბუაშვილი დაბადების დღეს ულოცავენ ცნობილ ხელოვანს რეზა ალიშაძეს. უსურვებენ მას შემოქმედების აღმასვლას.



საინტერესო საღამო

„სტუმრად მოძღვარი“ - ასე ერქვა საღამოს, რომელიც ბავშვთა და მოზარდთა შემოქმედებით განვითარების ცენტრის, რელიგიისა და რაიონის ისტორიული ძეგლებს შემსწავლელი წრის ხელმძღვანელმა, თამარ გოგალაძემ ამავე წრის წევრებთან ერთად გამართა. საღამო განსხვავებულ ასპექტში წარიმართა, რელიგიურ თემატურობას, პოეზიას თან სდევდა შეკითხვები რელიგიის შესახებ, რომელთაც ჩვენს ეპარქიაში მოღვაწე მოძღვარნი: მამა კახაბერი, მამა ალექსი და მამა გიორგი პასუხობდნენ. საღამოზე არაერთ საინტერესო კითხვას გაეცა პასუხი, რამაც მკვეთრად მიიპყრო დამსწრე საზოგადოების ყურადღება. ასევე ღონისძიებაზე მოსწავლეებმა შეასრულეს სხვადასხვა საგალობელი.

ღონისძიების მიწურულს, მოძღვრებმა, მოსწავლეებს და დამსწრე საზოგადოებას გადასცა სამახსოვრო ხატები. შეხვედრას ესწრებოდნენ ხაშურის განათლების, კულტურის და სპორტის, საგანმანათლებლო რესურსცენტრის და მუნიციპალიტეტის ა(ა)იპ-ების წარმომადგენლები.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.

ბ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.